## 山庫全幸

史部

欽定四庫全書

歷代名臣奏議卷一百六十一

詳校官編修臣周 修養無覆勘 瓊

编

總校官編修臣王燕緒 校對官助教臣汪錫魁 膳録監生臣范宜熟

陳迹而失當今之宜也謹按西漢以丞相總百官而九 次足四年 在馬 哲宗元祐元年門下侍郎司馬光上疏曰臣等聞三 下相維備飾明備何所塊於漢唐何必事事循 相襲禮五帝不 相浴樂况國家設官分職張立治 歷代名臣奏議 楊士奇等 撰 其

是 同中書門下平章事其後又置政事堂盖以中書出詔 此 天子以侍中常在左右多與之議政事不得任中書 書令典尚書奏事文帝受禪改秘書爲中書有令有 始 卿 而 制 重而公卿稍已失職矣及魏武佐漢初建魏國置秘 又有門下而中書權始分矣降及南北朝大抵皆 亦 分治天下之事光武中興身親庭務事歸臺閣尚 なでたる言 磨初始合中書門下之職故有同中書門下三品 不般尚書然中書親近而尚書陳外矣東晉以後 卷一白六十 書 循 

事堂議定然後奏聞開元中張說奏改政事堂為中書 門下自是相承至於國朝莫之能改非不欲分也理勢 令門下掌封駮日有争論紛紜不決故使两省先於政 主文事參知政事佐之樞密使專掌武事副使佐之 唐末諸司使皆內臣領之樞密使參預朝政始與宰, 欠らり日とき 日 分權矣降及五代改用士人樞密使皆天子腹心之臣 與議軍國大事其權重於宰相太祖受命以宰相專 可復分也獨日所謂中書者乃中書門下政事堂也 歷代名臣奏議 自

金万四届台雪 路監司諸州長吏皆得專達或申奏朝廷或止申中書 前世之記謬删去重複去其冗長必有此事乃置此官 紊亂欲華而正之誠為至當然但當據今日之事實考 揮事小則批狀直下本司本路本州本人故文書簡徑 樞客院事大則中書樞客院進呈取古降勃割宣命指 是以来百有餘年官師相承中外安帖百司長官及諸 事無留滯神宗皇帝以唐自中葉以後官職繁冗名器 依唐之六典分中書為三省令中書取旨門 卷一百六十

覆奏尚書施行凡內降文書及諸處所上奏状申狀至 繁冗行遣适回近者数月遠者踰年未能結絕或四方 付諸桉勘當檢尋文書會問事節近則寺監遠則州縣 急奏待報或吏民解訟求決皆困於留滯又本置門下 録下尚書省尚書省復下六曹方符下諸處以此文字 送中書取古中書既得旨送門下省覆奏畫可然後 下中書省者大率皆送尚書省尚書省下六曹六曹 切齊足然後相達事理定奪歸着申尚書省尚書省

钦定四庫全書!

歷代名臣奏議

省 攺 雖 自 則 日 易又内 欲 官 置 中 PT 有 r入 門 殆為虚設徒使吏員倍多文書繁冗無益 駁議 書文字有急速者往往 則 下之官已經商量奏決者 封駁中書省録黃樞客院録白恐有未當若 下省以来駁議甚少又門 須 批文字及諸處奏請多降付三省同共進呈 日有 必 須 却 駮 正争論 送中書取旨中書或不捨前 紛 紜 更 復有駁正則 不送 執 下不 政 大 門 ·得直取旨 臣遂成 下省 為反復 纵 山於事 見復 不協 則 行 PF 今 行 近 故 臣 F

售 事有差失委給事中封駁差除有不當委中書舎人封 減三年出職不及三年應出職者與減磨勘年限者 堂為政事堂每有政事差除及臺諫官章奏已有聖旨 點檢鈔状行遣文書若有溢員除棟選留住外並特與 行事大則進呈取旨降動割事小則直批状指揮 等今衆共商量欲乞依舊令中書門下通同職業以 三省同進主外其餘並令中書門下官同商議簽書施 日中書門下故事併兩省十二房吏人為六房同共 歷代名臣奏議 都 政

紦 光 欲 直 治 許 審慎矣如此 令於事 於先帝 綱 其大要居下者所分少故治其詳 7 又上疏曰臣等聞王者設官分職居上者所總多故 續議脩正 詞頭又两 **所由立也是以周官小宰以官府之六屬舉邦** 務時宜差為簡便其委曲條 所建之官並無所變更但於職業微 則政事歸 省諫官皆得論 卷一百 吏員不冗文書不繁行遣 ۶, 列 則 號令之出 細 此 目並候得旨允 理勢之自 亦 有偷改 不 為 纵 徑 不

省事無大小皆決於僕射自朝至暮省覽文書受接辭 曲 道 言詳於近者必略於遠謹於細者必遺於大也今尚書 利害此其職也至於簿領之差失期會之稽違獄訟 大事則從其長小事則專達凡宰相上則啓沃人主 次足口軍 白事 有言察目睫者不能見百步察百步者亦不能見目 未當暫息精力疲弊於米塩細故其於經國之大體 直胥吏之遷補皆即吏之任非宰相所宜親也古 經 邦中則選用百官賞功罰罪下則阜安百姓與 歷代名臣奏議 <u>L</u> 睫

委本廳郎官討尋公案會問事節相度理道檢詳係 簽訖亦分付六曹本曹尚書侍郎及本廳郎官次第記 誻 相之事業也竊以六曹長官古之六卿事之小者豈可 安民之遠猷不暇復精思而熟慮恐非朝廷所以青宰 者僕射左右承簽訖分付六曹謄印符下諸司及諸 下筆判云今欲如何施行次第通呈侍郎尚書若郎官 不令專達臣等商量欲乞今後凡有記令降付尚書省 州施行其臣民所上文字降付尚書省僕射左右 丞 貫

金万口匠台書

卷一百六十一

委的有事故結絕未得者申長官更不經由僕射左 時委本曹長官随事大小鑿限若有精違即行糾劾 事之可否皆決於本曹長官其文字分付本廳郎官之 都省委僕射左右丞商議或上殿取旨或頭簽割子奏 非 上應行下者直行下即未得允當者委侍郎尚書改判 次定四車全島 即更改條法或奏記得古或事體稍大或理有可疑 六曹所能專決者聽詣僕射左右丞咨白或具狀 歷代名臣奏議 RP 右 申

判已得允當則侍郎簽過尚書判准應奏上者直奏

女口 職分行遣簡徑事務易集 聞或入 光又疏曰臣於去年魯上言州縣者百姓之根本長吏 本曹長官陳過尚書侍郎本廳郎官次第簽押判決 定奪若本曹顯有不當即行糾劾旰貴上下相承各有 下尚書省委僕射左右丞判付本省不干礙官員看 朝廷降下臣民所上文字次第施行若六曹不為收 及人不結絕或判斷不當即今經登聞鼓院進狀降 クロ 人とこれ 熟狀或直批判指揮其諸色人辭狀並只令經 卷一百六

大亂 置 武備不可發及永寧以後盗賊羣起州郡無備天下遂 欠百日日子· 史監之墮名城銷鋒鏑故陳勝具廣起而郡縣不能制 者州縣之根本根本危則枝葉何以得安故自古以来 兵馬其長吏未當不同管轄盖知州則一 凾 州 随以亡晋武帝平具悉羅州郡兵陶璜山濤皆言州郡 朝廷也秦滅六國以為兵不復用雖置 郡 國朝置總管鈴轄都監監押為將帥之官凡州 必嚴其武備設長吏必盛其侍衛所以安百 胜代名臣奏議 州之將知 郡守而以 縣 御 姓

州 職當上下相維如身之使臂臂之使指 則 路 逐 為 軍 州 差將下兵士者而州 縣長及總管等官而於所 及剩員以充本 人者至於倉庫守宿街市巡邏亦皆乏人雖於 總管以 縣之將也熙寧中謀臣建議分天下禁軍每數 將 别置將官以領 下 及 州白直及諸般差使而已凡設官分 知 州 Ž 縣不得直差須牒將官將官往 六口 縣 訓練差使抽那一 部士卒 皆不得關預量留羸弱下 有不 紦 相 綱 出其手其 統攝 乃立今為 11年 殆 千 有

分四屆 台重

<u></u>

ハナー

文ED東在馬 自上此文字後来不聞朝廷有冊施行竊見近歲諸處 嵩山起建道場其將下禁軍充白直者於條不得出城 令其衆制禦姦完哉臣目覩前宰相西京留守韓絳 使 經宿所敢留者剩員七八人而已況僻小州縣其守禦 之備侍衛之衆可知矣臣當時乞悉罪將官其逐州 徃占護不肯差機萬一有非常之變州縣長吏何以 其州縣長吏所給白直皆如嘉祐編勒以前之數 軍並委長吏與總管等官同共提舉教閱及諸處差 歷代名臣奏議 縣 臣 誯

又自 置將官以来尚非有所征討全將起載與將官偕行外 赀 萬 亂 軍盡屬將官將官多與長吏争衡長吏勢力遠出其 多闕雨澤盜賊頗多州縣全無武備長吏侍衛軍寡 以肘腋之變豈不為朝廷旰食之憂邪王者制治於未 保安於未危豈可自恃太平之久謂必無此等事邪 有如李順王倫攻城陷邑之冠或如王均王則 駐泊盖欲使之均勞逸知艱難識戰鬪習山川 祖宗以来諸軍少曾在營常分番往縁逼及諸路 自 竊

金岁四月日

卷一百

六十

惰之性歲月滋久恐不可復用又每将下各有部隊将 欠日日日本 前奏盡罪諸路将官其禁軍各委本州縣長吏與總管 害無利天下晓軍政者莫不知之臣愚伏望朝廷如 监 准備差遣指使之類一二十人而諸州總管鈴轄都 其餘常在本營不復分番屯駐駐泊飽食安坐養成驕 押 軍兵馬全少不足守禦之處量與立額招添其守 員數亦如舊設官重複虚費原禄凡将官之 都監監押等管轄 歴代名臣奏議 如未置将官已前之法其諸 扎 設 有 臣

然朝廷必擇朝士專任知州有聲迹晓錢穀者乃得 惟 且 之未當輕以授人凡一路之事無所不總使按察官吏 贼或敛民財駱賊雖青之以死彼亦甘心今平居騶從 有備而寇賊之殼不能式遏或棄城逃避或率吏民迎 光為左僕射時上疏曰 提點刊獄惟河北陕西以地重事多置轉運使兩 其人臣少時見天聖中諸路止各有轉運使一員亦 不能備一 旦寇至責以死節不亦雜哉 臣聞書稱明王立政不惟其 六十 官 員 為

金牙四周分書

卷

--百

飲定四車全書 資淺輕俊之士為之或通判知縣監當資序及選人以 恵農田水利官其後每事各置提舉官皆得按察官吏 王安石執政以来欲力成新法諸路始置提舉常平廣 事無不舉公私饒樂海內晏清景祐初始復置提點刑 能細知利害者則委之相度措置當是之時官少民安 薦賢敱姦受養百姓與利除害或朝廷有本路事務未 其後或時置轉運判官以其冗長害事尋復廢罪自 如監司又增轉運副使判官等員數皆選年少 歴代名臣奏議 .....

降 率 不 立威以行號令舉措率易故應事不熟壞法害民又 易歷事未多故措置百事往往乖方衆町不服故 被年少則歷事未多資淺則眾所不服輕俊則舉措 次遷權小有乖違則送審官院與合入差遣更加責 按遣處之有未皆歷親民即為監司者能順己意 不恤 禄 此皆由此来也陛下幸念民惟邦本本固邦寧知 誘於前罪戾俟於後由是徃徃上不 百 姓 怨咨止務希合以 圖進取致今日天下籍 顧國家事體 則

日・ノロ

一百六

去草者絕其本救水者回其原提舉官者乃病民之本 原也陛下必欲蘓息疲瘵乞盡罷諸路提舉官其轉 臣下恩澤壅塞不被於黎民徒存空文何以為政臣 寬則錢但取文具而已如此 春首抑配青苗錢勒百姓供情願狀別作名目占免 配免役錢寬則不得過二分竊開諸路提舉官猶有 元元困窮於國家非便欲救而安之部青苗錢不得 除河北陕西河東外餘路只置使一員判官一 則 朝廷號令廢格不行於 員 闡 役

火定四車全島 1

歷代名臣奏議

土

提舉官累年積蓄錢穀財物不少恐轉運司一旦得之 迹 妄有耗散即乞盡椿作常平倉錢物委提點刑獄一 刑 刑獄分兩路者合為一 百姓安有不富庭此乃國家鎮撫四方之本也若以 正則點形無私部下官吏既皆得人事務安有不 聰明公正之人方得為監司聰明則知官吏賢不肯 財用事悉委轉運司刑獄常平兵甲賊盗事悉委提 **獄管为仍選知州已上資序累歷差遣所至有政** 1 卷一百六十一 路共差文臣两員凡本路錢 幹 面

タロ

岩 交 **設定四車全彗** 依 傷賑貸其餘不得支用若轉運司委的窘乏須至兌 隅 朝 アス 廷 縣尉獨員監當之 售 割主管依常平倉法謹伺穀價賤雜貴難及准備 平錢物者必 州差選人勾當差及被差之人皆有罪新條諸州 監 法每歲偏巡諸 不令監司親 司數少路分闊速處巡歷及管勾不辨即乞 須具數先奏朝廷得古乃得移牒支機 往勾當只今選差本部官除司 '類舊條不許差出外其舊條不 州更不偏巡諸縣自非 歷代名臣奏議 i 要切大事 <u>+</u> 理 管 災 得 那 司 只

更 許 察其不稱職及有可以代之者先令權攝仍奏乞替 施 勾官及主簿當給散月分不得差出之 廷 湓 不 随 行 只委提點刑 自然無不敗獲不須令親出入監逐捉殺於事無 功大 面 下刑部磨勘話難住 **所貴監司有官可差幹得事務若遇有賊盗乞** 相度賊盗 小保 明乞轉官及升差遣或減年磨勘 **微差官或行移文字監督捕盜官捉** 强弱立賞錢數目其捕盗官若立功 滞臨時詳酌思澤直賜 類指 揮乞更不 栺 朝 揮 换 朝 廷

ָ ט

卷一百六

t

義多士紛紛之説不可勝紀聊採十説以陳於前惟 事官許帶職內尚書候二年加直學士中及侍郎給 益 量 諫議通及一年加待制臣踰月于兹反復思之不得 右 則 未安也不若因其除外易以職名在人主恩意則 便可令帶出臣以謂為中書自便則可於朝廷體 垂聽幸甚說者曰立為此法庶職事官罷日 正言朱光庭上奏曰臣等伏觀三月十八日聖旨職 如此則監司巡歷管勾職事簡要易為辦集 不煩 要 陛 新 商 其 事

欠已日戶 上書

歷代名臣奏議

圭

學士 學士 金牙口厚有言 析 外 ,j· 職 落則是不問過之輕重皆當奪两重職矣此不 臣 貶 何以示恩更進則太優不加則近 丱 下龍光亦異今既平居無事先以與之則一 Ħß 則 耶與之待制 罪被謫於尋常例當落職者不知止落職事官 并落職名耶不落職名則與平遷善罪無以 不應今日所立 不可一 也 借 耶與待制 如自尚書一 卷一百六十一 新 制此不可二也或尚書侍 則無以 年 别於侍 **海雖曰善遷廼** 餘罪則當與之 郎與之 日 可三 異 直 直 女口 補

制 知雜御史乃今侍御史其於中丞相去甚遠循有不歷 後 邺 事中方為侍郎而御史中丞又在侍郎之上其為等差 F 也官制以来由諫議大夫中書舎人方為給事中由給 瑜時或總滿歲遂轉待制者今為中死一年方得待 此今一年之後合為待制則等差紛紛然莫可辨矣 是今中丞反輕於前日之雜御史也舊制知制語 亦止於加待制則為降官與直學士則為亂法舊制 不可四也昨有自尚書除御史中丞者豈可一年之 73

欠足四年亡馬

歷代名臣奏議

.

+00

中書舎人亦輕於前日之制誥也又既為中書舎人以 開 典 遷 今中 書舎人自居待制之上次 遷當為翰林學士其或 刑 制語為職事其於侍從最為親近豈須更帶待制 雜學士雖至於侍讀學士若不與權三司使及權知 名器混淆而清濁一流矣此不可六也從来以寄 法 封府皆不為美遷今一年之後乃得加待制是今 可五也六曹之官容以聚材並進或以錢穀稱或以 用使為尚書侍郎則可使無學士待制則不可 Ð 禄 不

金牙四月分章

卷一百六十

守試則試者少而行守多暗陛資格陰益俸錢而陛下 心俱入於術中者惟名與器而已故美官重器必使有 名此不可八也人主之所以属世磨鈍屈天下英雄之 故更以帶職為寵官制以後以階為寄禄而尚書以下 更稍加職之例豈可以專官制之重職又兼舊制之寵 實行其職故自以職事官為重恩數之優非昔日比無 大きりはとう 不 官為行守試則試者多而行守少加職之後以職為行 知此不可七也官制以前侍郎尚書類為叙遷之官 歷代名臣奏議 1

時 難得之勢則人以得為紫為動若子之不加重不子 陛 涌 定員将一年之後待制滿 一議論雅 同受為 輕歲月野積 而官制職名參錯如此臣謂終不可以並行伏望聖 下名器此不可十也方陛下脩明法度齊正典章 二人而已故當世人人皆以為貴今乃立法無有 正谁宜為之祖宗之世其選最精出入朝 11年此不可九也待制職備顧問非學術 例以授之則鄙夫以苟得自矜而髙 朝必有斗量車載之誤以 廷 玩 材 不

**多为四周 刍i** 

卷一百

六十一

籍者可謂至冗矣京官自承務郎至朝議大夫凡二千 事才者並用則職脩而事治才者不用則事紊而職廢 钦定四直全書 監察御史上官均上奏曰臣聞朝廷設官分職所以治 慈特的輔臣别加講議裁定歸 臣 世而無礙垂之将来而可久 百餘人選人一萬餘人大使臣二千五百餘人小使 否並用則政事之不治者常半今之士大夫列於版 萬三千餘人舉天下之員關不足以充入仕之 歷代名臣奏議 適於至當無行之當 读

而改官至七十而致政共成七任耳又况二十未必 人大抵一官之關在任與夫已授而又擬之者凡三 故自得替 京 ,吏部左右選用關京朝官及大小使臣大率一年 五年之間方成 呈已擬差必待闕三年而後就職七年之間方成 選人須及二年以上或三年而闕次之遠者莫如選 朝官待次幾一 Contract of 如不該移令待試法之中否須近一年而後 任以常人言之三十而仕又十 年而後得差遣待闕一年然後就 卷一百 六十一 文·已日日 在 一 者凡四進士補陰與夫納栗得官百司胥史是也自武 居間之日少在乎清入仕之源竊觀今之自文職入流 夫才者居職欲才者居職在乎使其居間之日少欲 治事之日常少此天下之都縣所以不治閣井之民未 及之未必滿七任也故舉天下之士大夫其才可以 仕者未必皆至七十而又有不幸私故陷於吏議年雖 被朝廷之德澤者良以此也臣以為欲郡縣之治在 不至曠職者未必及半就令及半居間之日常多而 胜代名臣奏議 其

達義理而稍工文詞者方得薦送又求其尤者始預禮 部之選又加廷試而後賜第擇之可謂至詳矣三年 博成就其志其學可謂勞矣及夫有司試之必擇其明 職入流者凡三武舉補蔭與夫百司胥史是也計其才 取士舉天下學者羣試於有司亡愿數萬人而賜第者 後能治經閱史綴緝文詞又加之十年而後能問學通 士武舉何以言之為進士者自十年就學加之十年而 行 可以居官治事者納栗胥史不如補蔭補陰不如進

金公口屋

白量

卷一百六十一

僅五百人取之可謂至艱矣彼貴遊子弟特其父兄之 |陰補類多驕情不學懂通經義稍成文詞者則必中選 學她操自立宜有問矣百司胥史主行文書積年寡過 就今屡試不中年及三十亦得出仕其际進士寫志講 例該禄仕又豪古之家以貨授官其才品庸下素不知 義又外臺郡守獎薦之所不及彼固分甘自屬於早賤 之地豈復有奮勵之意其际補陰子弟聞父兄之教少 壮就官有向進之心宜有間矣由此觀之計才量行 火足四五全 一 題代名臣奏議

一 甚純繆者皆置第四等以上未滿七十者即更不須保 金万口屋 任便許出官昨元豐八年特奏名係第四等以上者 平易字數減少有司考校又加寬假但粗成文理不 必然也又進士科所謂特奏名者凡五等其最濫者但 居官治事者納栗胥史不如補蔭補陰 取五百其間尚容幸得又況偶獲一薦累試見點年髙 百餘人可謂冗矣夫進士自秋試至省殿二處考校懂 次預薦僅及三十年即該推恩其就廷試則試題 All Time 卷一百 六十 不如進士 理 之 四

次定四華全書 吏部吏部按格不計入流清濁才行萬下但以到部 血 仕 禄大率多年五六十以上 既就仕官誰肯舉薦夫以 少取人數寬但獲一薦雖不事學坐待及三十年便該 有間矣夫以特奏得官與夫補蔭流外之人學術才行 明治事廉潔自守者十無一二智識才力方之進士固 才耗學術忘燬其比進士實固相遠而又五路學者鮮 氣衰耗有尚得之心薦舉不及無向進之意其能精 不足以方進士而又仕之數常多於賜第之人並超 歷代名臣奏議

年 後注擬授差遣以此待次者常至七八百人注擬二年 進 **蔭胥史之流冗占壅滯比肩待闕居閒之日多而治事** 有百餘人自熙寧六年至今每次推恩入仕不減四五 也有可以裁抑者特奏名資蔭胥史是也竊聞嘉祐四 之日少者常以此也不清其源欲官之不濫才者之獲 以上員閥故負才可用之人率為特奏名得官與夫資 不可得也臣以為四者之冗有可罷者納栗得官是 以後係特奏名者纔數十人自治平至熙寧三年止

卷一百六十

鲁預 解或經殿試即須稍有文學不至空缺四等以上限以 **飲定四車全書** 弊矣臣又見廣南攝官取本路會預两薦者權攝簿 計 百人臣欲乞參酌祖宗故事須會取到文解或經殿試 就殿試其就殿試文理稍優者方得充四等以上每 若干舉方許就省試實得文解及經殿試若干舉 限定人數不過若干人其在四等外者不理逐限 則有司所取不至冗濫如此則 **薦雖及三十年不在推思之限盖累會取到文** 歷代名臣奏議 稍可以草特奏之 其

之 者世 夫以 薦多至數人夫廉謹無過積日叙遷而為大夫者未必 若量加舉數即可以損入流之冗矣臣以為古人之仕 有功而賢者也官其子弟一二人以寵其後固已厚矣 りゃ 仕之日皆許奏蔭其為大夫以上歲月深久往往奏 **所識調乗賢者之後絕功臣之世今之寄禄官自大** 任無過遂行正校雖曰優假遠方士人然僥倖太過 上初升大夫即奏補子弟一人其後两經郊恩與 禄盖使為之後者一人世焉禄原之而已矣詩 んんして 卷一百 六十 欠己の巨人等 舉矣臣聞張官置吏所以為民今若捐虚授之禄以養 毎以 大率須及二十餘年方得出仕惟三省人吏最為優幸 雜流之弊矣四弊既損則入仕之源清而才行可用者 者 限 不久於待嗣不久於待嗣則治事之日多而職業無不 臣欲乞自两省两制以下至大夫奏補之數宜加裁減 坐理資住至為郡守宜加裁抑使無過厚則可以 以多少則可以草資陰之濫矣百司胥史積勤累 檢點諸處文書酬獎減年出官最速其不願出官 歷代名臣奏議 Ī 掴 日

制 官 害民之吏姑息不才之士以妨有才之進豈為民設官 金为四周台重 依舊在本轉漢官之下站依兵部冊乞契勘諸路蕃官 知慶州范純仁上奏曰臣昨准兵部相度欲乞應蕃漢 不繫官職為甲久例並在漢官之下此所以尊中國而 源以幸天下實非小補 之意那願陛下明詔有司講求官冗之弊澄清入仕之 外着也行之永久人情安熟雖蕃官之甚點狡者亦 非 相統轄者並依官序相壓其城寨等管轄蕃官即 k 卷一百六十

纔過替移或於它處出入相值坐府相同便合在舊 部 京職官當在務官之下者十有八九而 火色四尾 上馬 官之法便與不相統轄之官依品序位即邊上使臣及 異則緩急之際不失統御今若無故忽更舊制悉依 承 漢官使臣統制驅策故於平日必使名分相殊體勢 族應有公事並須從漢官弹壓理斷及戰鬪亦並 自無争較况蕃官職名雖高只是管幹部族人馬凡 歷代名臣奏議 公邊将副使 用 臣 相 漢

不敢有與望等革之心盖分義體勢不得不然上下遵

務裁 依 嬿 必 就 官之下人情之間豈能堪 金万世 國外蕃尊早之限絕蕃酋驕慢觀望之心統制有常不 外例 漸 擬 恨 有 據價 致統制官司煩 實在於此伏望朝廷詳酌特賜指 鄰近城寨差遣它日或再相統攝 抑驕慢之心豈可軟放契勘縁邊使臣任滿多是 不得與漢官叙 月重 報 怨之人而蕃首之徒既以 於 卷一百 處置開端生事為害不小防 班 並 此况外養之性驗勇尚氣當 六 在 + 漢官之下所貴不失中 等單自處必 揮諸路蕃官各 即漢官使臣 微 中 生

為後患 大王印色 公子 立為定制經久遵行內吏部戶部司封司勲考功度支 部郎中員外須令並滿四年理為两任逐任與升資序 事已見遷改必致胥吏乗間作弊行遣适滯臣欲乞三 重而侍郎郎中員外多不久任遷轉頻數未熟本部職 書省吏部典選户部掌邦計刑部主國法此三部最為 省六部二十四司欲其分治職事悉如唐制臣竊以尚 二年平章軍國重事文彦博奏曰臣伏祖先朝復尚書 歷代名臣奏議 中

金岁四周白書 馬至於慎刑罰息兵草寬仁盡下愛養元元得天下之 伏望聖慈詳察早賜施行 長官主判逐曹任官材掌邦計主國法皆是國之重事 金倉部亦須再任與逐任升資上件三部郎官佐本部 循用五季之舊而不知改天子臨朝太息於上而公卿 度號令文采雖未純於三代盖皆有三代之意而髣髴 開封府推官畢仲游上言曰國家承五季之後典章制 則有與三代比者獨官名自宰相而下至於百執事 卷一百六十

少 足口巨 白言 帝同人心決大策以階寄禄而脩復漢唐三省之制宜 官當選者在省之官及假他官以制之如兵部為樞密 凾 改之後復云漢唐之非是則官名之所失如何而可益 其歡呼鼓舞以慶朝廷之盛德而行之五年公卿大夫 吏部為銓審庫部金部為三司水部為都水刑部為大 猶有不懌於官制者豈未改之前皆厭五代之無法既 大夫咨嗟悼歎發憤於下者不知幾十年矣及神宗皇 朝雖循三省之舊而二十四司之名皆第之以待 歷代名臣奏議 140 百

遷 青光禄大夫一階無昔日尚書界遷之官舊禮部 舊禮部尚書遷户部工部遷刑部刑部遷兵部而今銀 中書令者而今儀同三司一階無昔日宰相界遷之官 金贝四届自重 今正議大夫一階無昔日侍 於今日之務舊平章事選中書今國朝以来未有選至 理名禄尚書而事在他局者不可以為後世法則先帝 户部户部遷吏部工 改制無可議者而改制之中有非漢唐之舊而未合 卷一百 部侍郎遷刑部刑部遷兵部 六十 郎累遷之官卿寺亦然告 侍 郞 而

1

欠百日戸 降 舊尚書省不總天下之政而中書門下合而為一則 減陰反以舊品為定而章服之令徒降五為六降三 其 治 磨之舊而不合今日之務者可驗於此然猶未有害也 四以遷就新品之失而不知義理之所 之官品難於進今之階秩易為萬而又降七品為八品 速今尚書省總天下之政而中書門下析而為二 治緩此理之固然者至所謂畫黃繇符牒關刺由 五品為六品降三品為四品至其不可用也則議 胜代名臣奏議 在則所謂非 主 為 其 則 L 漢 請

益之而已矣盖隋唐二十有九而今寄禄階二十有 害公卿大夫所以不懌於官制者以此亦在上之人 金分四 女口 其決而事人失於期會則非惟 而 必合三五七九之數無易前古之常以就新品之失則 報而其務乃比於竹茹木屑之細或者補衣貸食未得 **門則階正矣還舊日之品秋凡議請減陰服章之名** 益其階使與舊日之官品相對無併三遷两遷而為 下復由下而上近者決自遠者累月有夜半停印 月全書 卷一百 -1-不合今日之務而良有 損 待 五,

火足口巨 白馬 復而五代之季為可循也 寺監事速而小者則許之專決或專達而不為次第上 仲将又上言曰道不足以通展事不謂之道法不足以 於期會脩此三者而官制立矣豈以漢唐之官名不當 理安民志定事正則三省無滞務而遠近之人皆不失 行萬世不謂之法舜之德賞延於世可延之賞也文王 下之道久則事正矣階正則朝廷尊名器重品正則義 歷代名臣奏議 茳

品正矣事大而緩則由寺監而上臺省或由臺省而下

金元 補之格猶未若本朝之濫也盖太祖太宗之時天下 守 大應告唐太宗省內外官定制為七百三十員曰吾以 之心 定萬事草創有司停闕待注而無人故多為取士之 此待天下賢才足矣後世有特置同正員至於檢校兼 延世禄之説而不達其旨是以官吏浮冗最為天下之 政仕者世禄可世之禄也賞可延而延之則無幸賞 判知之類皆非本制中世之後遂不勝其濫然而蔭 口居 台潭 禄可世而世之則無很多之患自漢以来捨其賞 卷一百六十 眄 初

弊又未必能去為今之策莫若因仍歲數遠近而漸實 也今若於定制之外復增歲數則士大夫絕望於蔭補 為六歲而猶患其濫則殆非歲數之近蔭補人之多故 甚聚一歲之選至千萬計宣特賞延世禄而己耶 **蔭補之法以應用至今百餘年間天下以補蔭入流者** 欠こりも 其試法試而中於法者然後入仕則是第存蔭補之舊 之制歲得任其子弟者易而為三歲三歲之制復易而 祖事之議将不可止非野以順人心助和氣而官冗之 1.1 歷代名臣奏議 主 售 E)

金分四 終無意外之濫雖行之萬世未見其弊又不失虞舜賞 也豈惟蔭補凡天下之入仕者皆為試法以考之使 堂三而中不絕其望四利也官冗之弊可以漸省五 其試法則 於民三利也一不中選者猶欲再而中再不中選者猶 人勇於自試而止取百人而已數百人則數百人而已 名而已無入仕之新患順於人心所 期 無所觖望一利也公卿之子弟患於不學而今實 周分書 自動於學二利也得好學之人以為政不 卷一百六十一 利有五不增陰補 利 病

復不早為之所既有猥并難治而欲哉一詔下一令使 仲将又言曰事不於無弊之時為有弊之慮知有弊矣 也昔周制六官其屬三百有六十而漢官之在內一千 或者以其弊為不可救聽而任之則亦非治天下之術 天下歡呼鼓舞遂返於無弊則雖複契復生未易能也 五十五在外之官猶不與唐太宗省內外官定制為七 延文王世禄之肯矣 百三十員而開元天寶之間至萬有八千則漢唐之間 ていりっと 楚代名臣奏敬 六

仕食禄者比而科舉任子益来而不已不知數十年外 者倍乎在選之數被代赴選與已選待次又與居家未 **崇得任于而流外雜色之進盖不可勝計至於今日尚** |宗之定天下萬事草創中外之官不足以更代故多為 官冗可謂弊矣而本朝之弊則尤甚於漢唐告太祖太 書侍郎左右之選多至數千居家未仕與禄食於四方 **剑**安四库全書 而無損故治詞賦者舉進士誦書者為明經五品已上 入仕之選以應用而後世不知改作以適時變反有增 卷一百六十

使之治民理或可也而公卿大夫所任之子弟雖有賢 之耳夫子之則喜奪之則怨雖人所不免尚奪之以理 官冗之弊将何如邪則救之之方正在探其情而理 者而驕驁愚情未知字書之如何而從政者亦甚衆雖 而 C. 5.1 1.1. 亦無可怨者故管仲奪伯氏駢邑三百沒齒無怨言則 其父兄不自言以情占之豈能不以為愧而且幸哉然 探其情而理勝之故也今科舉之士雖以文章為業 所習皆治民之說選於十萬人之中而取其三二百 歷代名臣奏議 芫 勝

也中選者遂比進士彼之所願三也不中選者少沮而 子弟皆勒於學其利一也得選士以治民民不告病二 試者則加褒或十而取其一或以二十而取其三惟朝 将治民而不可忽逐之之法宜比進士加寬而所謂鈴 夫任子者朝廷所以厚公卿大夫之家而嚴其選者乃 則損任子之恩而嚴入仕之選者正今日赦冗官之道 保妻孥而免於卓隷順於人心其利有五公卿大夫之 廷之所進退中選者遂比進士而治民不中選者亦足

**動定匹庫全書** 

卷一百六十一

雜色之進則在朝廷斷而罷之勢有不可罷者則十省 欠百百人 并之患為一世之應奪天下之所喜而要使無甚觖望 救聽而任之則又非所以憂天下應後世然則欲治根 返 已很并難治而欲發一部下一令使天下歡呼鼓舞卻 於無弊之時為有弊之應知有弊矣復不早為之所既 非仍任子之恩而嚴入仕之選無可為者若明經流外 於無弊則雖稷契復生未易能也而以其弊為不可 歷代名臣奏議

益勸無甚觖望四也官冗之弊從而可救五也盖事不

聪 金牙四周分言 實用此法故名臣不絕而四處畏服竊見今緣邊經略 大将軍有長史司馬從事節度使有副使判官參謀 中書侍郎呂大防上奏曰臣竊觀自古設官之意必先 置貳立副不以名位為限者所以舒艱危而適順用聚 其五六不繫今日之輕重也 自 明而濟不及也總兵命将尤重其選以漢唐事言之 小官而登寄任立功效者不可勝數本朝祖宗以来 而無僚佐謀議之助雖有副總管鈴轄 3.7 卷一百六十

廷每除一 試其能誠愿臨事用人不暇精選因而敗事所繫不 宣不可懼哉其弊盖由朝廷不素養其材而取人之途 屬皆奉節制備行陣非有折衝決勝之略預於其間 大三百五 有才略職司以上人充參謀一人委經略使奏辟知邊 又常太狭方今我人旅拒邊患漸生若不早為准備閱 臣愚見經略使各置副使或判官一人朝廷選差素 不才者得與馬則是以三軍之衆一聽庸人之所為 ---帥幸而得能者則一路兵民實受其賜不幸 壓代名臣奏議 朝 細

金牙口周白書 闢 事有謀略知縣以上充如此則可用之士不以位下 三年右正言劉安世上奏曰臣伏見祖宗初定天下首 見遺中材之即又以人謀而獲濟無得以博觀已試之 而属其名節觀以古今之書而開其聰明原食大官不 吏責所以成就德器推擇豪傑名卿賢相多出此途 儒館以育人村界聖遵業益加崇獎屬於英俊之 備緩急之用講緝邊要莫先於此 之盛無愧前古然自近歲以來寝輕其選或緣世 六十 地 而

賞或以軍功或酬聚斂之能或狗權貴之薦未當較 安世又上奏曰臣近當奏請今後館職欲乞並依元立 使名器漸重不容幸得循致賢能以備官使 審察其才實可長育然後一 欠でする 有 條 詺 遂 未盡 制名試而授已奉聖旨施行然臣伏觀所降指 執政今後館職無俾輕授以求文學行誼有聞於時 貼職名漸開僥倖之門恐非祖宗之意伏望陛下 輛 2117 復論列族幾小 歴代名臣奏議 補 依近降條制名試而命 臣常謂祖宗以来新進 Ē 揮 尚 庻 眀

聽臣言追復舊制雖云大臣奏舉到館職並依條名試 館之人鮮有不試而命者惟是縉紳宿望治效顯著或 重館閣之選 使 張弊源尚在臣愚欲乞特降指揮依做故事約自轉 方 界持使節或移鎮大藩欲示優恩方令貼職今陛下 人才之 以上資序特除者方得不用此制度能塞侥偉之 得除授而繼云其朝廷特除者不在此限則是不 如何資歷之深淺但非奏舉皆可直除名為 卷 百六十二 PF 問 過 更

金牙四戽全書

受是以所受愈隆而所擇愈簡所擇愈簡而所得愈多 要 安世為左諫議大夫時上奏曰臣聞非至簡不足以待 こうこう 此堯舜三代之君所以垂衣拱手不煩事的而天下晏 主 天下之煩非至静不足以制天下之動故首卿有言曰 擇輔臣輔臣擇展長展長擇僚佐以次選倫不容虚 百事之聽歲終奉其成功以効於君推此言之則人 治者用此道也秦漢以来官失其守居宰相之位 相以無率人主之職也又曰相者論列百官之長 程代名臣奏議 큐

為 多方匹库全書 授宋以蔡廓為吏部尚書黃散以下皆得自用廓猶 多由選部故晋之山濤為吏部尚書中外員品往往 者或不知具任在废長之列者或不守其職因循至今 資格限自起居遺補及御史等官猶並列於選曹其後 上言的旨畫聞無所可否謂之旨授開元中吏部置 拜者則以制 流弊日積臣請為陛下詳言之告魏晋以後採擇底官 簿已遂不之官唐制五品以上宰相商議奏可以除 動命之六品以下則吏部鈴材授職然後 卷一百六十一 啟 循 いく

欠正の見いる 軍事奉議郎劉敦夫堂差權河南知録若此之類名品 優劣為人擇官殊失大體如承議王續堂除管勾左廂 来堂除差遣多取吏部之闕不問職司之輕重才品之 意者則莫致馬此乃唐之弊風不可不幸也臣伏見近 權廣公舉而行私恵是使周行族品尚不出於時军之 省之事日益紛紜執政大臣汨於細務則朝廷安危之 至早吏部選差固不乏使何煩郁廟一一東永臣恐三 **倖臣專朝舊典失序故陸贄抗論以為捨朝愈而重已** 歷代名臣奏議 큳

也 安世又奏曰臣前月十二日上殿具割子論列堂除之 稍重者令依舊堂除外其餘一 寺监長貳以上並諸路監司瀕 意哉伏皇聖慈明勅三省別議立法今後除两制臺 計禮樂教化之大原使天下回心而向道者将何 及之矣然則豈所以稱陛下圖任老成委注輔弼之 得以留心於遠業而選部不至於失職以漸復舊制 切歸之吏部所貴執事 河並邊郡守之類所 係 暇

金分四

母全書

卷一百六

灣等數十處送下吏部而外路知州等闕尚未盡還臣 とこうう 歲月此最更張之所宜先也臣愚欲望陛下特降唇旨 堂除之人日益加多差除不行其勢必取於吏部吏部 之闕日益加少則孤寒之士所得愈艱羈旅留滞動愈 竊謂朝廷之上宜選大吏其餘小者盡可付之有司今 弊乞詔三省別議立法近日雖降指揮以在京寺監主 擇其地望之重者依舊朝廷差除外其餘付之有司 謹堂除之選仍以元豐八年後来取過外路知州等 1.1.1.7 歷代名臣奏議 <u>=</u>

事此 會肇上奏曰臣伏見神宗皇帝大正官名始於三省 給事主讀尚書則有左右司郎官受付使之更相彌 尚書三省相成不可闕一中書則有舍人主行門下 令所出則自中書審覆駁正則務門下受而行之則 伏望聖慈詳酌早賜施行 如此則堂中占闕既已不多吏部差注得行必無淹滞 相可否然後發號施令固有不减立政官人舉無過 祖宗設官分職之本意也盖三省各有分守不相 詔

.

多好四库全書

卷一百八十一

職分以正紀綱以為天下後世之法陛下留意母忽 屬官得相踰越而中書詔令必由門下方得行出以明 書贖行下臣愚竊恐因此隳壞官制有損治體沒漸不 大記りうんら 望聖慈戒飭執政大臣謹守神宗所定官制勿使三省 伏見近日給事中封駁中書録黃三省進呈却令舎人 侵踰而門下一職近取諸身則為咽喉遠取諸物則為 已遂成大弊此臣夙夜熟慮不得不為陛下言之也伏 門户所以駁正中書違失故自来舎人不無給事之職 歷代名臣奏議 弄

件之類九八件格目甚明又太府寺案名稱內藏庫 點筭內庫申到納訖官物帳狀抄上勾銷內庫納訖 藏庫見催索户部太府寺借欠出豁錢物不少依舊更 給聖元年監察御史蔡蹈上奏曰臣伏覩近降聖旨內 事目格子太府寺掌庫藏項內有內庫拘催交納逐季 右藏案即是舊隸太府非無文據臣當聞真宗皇帝謂 不統轄者臣竊見國家分職設局所以舉官治而府藏 分四 納尤宜然互動考以檢吏姦臣契勘元豐詳定官制 盾分書 六十 名

K 1.10.51 1.145 官倍亦克用人然則先王建官因草不常其来尚矣臣 制格子等特賜唇古令內藏庫復隸戸部太府寺所貴 廷不知爾臣竊謂既通軍國之用則隸户部太府寺正 監察御史襲夬上疏曰臣聞唐虞稽古建官惟百夏商 子該載者委有關防不可畧去欲望聖慈省察元豐官 其宜也惟禁滿泄見在物數其餘雜務事件如官制格 王旦曰内藏庫所貯金帛備軍國之用非自奉也顧 百官庭府皆有統帥事歸一 歷代名臣奏議 ŧ

聰之意 太簡臣備員莹屬適值兩院闕官無領六察未見廣闕 多方四月全書 御史三員兼掌論議庭幾益廣言路以稱朝廷明目達 推行之初事務繁劇故令專領察事今来按察之法久 并給聖令察官各無言事伏望聖慈特賜詳酌令監察 伏見言事御史自皇祐以来員數不常昨置六察官方 已就緒在京官司無敢如日前遲者則治察御史其職 則人治两案伴無言職自不相廣況元豐三年、 卷一百六十一

とこうらしい 進呈者盖亦鮮矣盖先帝臨御歲久事多親決執政之 省審覆次尚書省施行每省各為一班雖有三省同上 制每便殿奏事止是中書樞密院两班昨来先帝脩定 以三省長官共職國政事無不總不專治省事國朝之 論道退則作而行之此三代之明法也唐太宗用隋制 少掌論道經邦寅亮天地然皆分治卿職盖進則坐而 哲宗時尚書右丞呂公著上奏曰臣伏覩周官三公三 官制九除授臣僚及興草嚴置先中書省取古次門下 歷代名臣奏議 풋

臣大率奉行成命故其制在當時為可行今来陛下始 金分四库全書 新 危 劉擊上言曰臣伏親近降指揮增復館職及職事官並 初聽政理須責成輔弼況執政之臣皆是朝廷遴選安 帶職給諫以上一年帶待制尚書二年帶 之政譬如共與而馳同舟而濟人無異心則何求而 得何為而不成伏望聖慈留神省察 治亂均任其責正當一心同力集聚人之智以輔 謂國朝舊制底官之外别加職名所以厲行誼文學 卷一百 六十 雜學士 臣 維

之士高以備碩 とこりを とこう 或 尤慎自元豐中脩三省寺監之制其職並罷滿歳補 秘 然後加恩兼職常視治行優劣以為厚薄除三館並 薦試之法未立校讎之職無與則是所復虚名而已 則除之亦繫一時恩旨非有必得之理今盡復館閣 廷必不甚惜人亦不以為重近日得之者固已衆矣臣 領 書省為職事官外有直龍圖閣省郎寺監長貳補 監司帥臣則除之待制雜學士職給諫以上補 問其次與論議典校讎得之為榮選 歷代名臣奏議 三九 歸 擇 朝 而

考之愈言以謂脩廢官耶則實無職事養人才耶則 未諭且侍制學士以侍從顧問為職自 以益之臣愚欲乞且依元豐官制施行或詔選臣僚 究本末別行裁定使名器增重人不虚授以稱朝廷勸 品 加 次 四 選擇反復不見其便至於給諫以上限年帶職九 之選不為定員今不考治行不察流品幸而至給 猥衆無復澄汰其有行能高妙治最尤異者又将 則計日而得之人才不同一緊除授臣恐自此員 戽全書 ,, + 祖宗以来極 핡 天 何

卷 一百 欠己的自己了 其舊然亦以令本臺與两制分舉而人主自擇其可者 有不由此除授動命雖行皆拒而不納至本朝雖稍 務至煩九有不及則百司怠廣頃者員缺不補動經歲 月衆論莫不疑怪臣竊見唐制臺官皆大夫中丞自 御史中丞蕪轍上奏曰臣以空跳備位執法當得僚佐 不獨言者寡少於朝廷得失有所不盡而六察所治事 沮多士之意 助不逮竊見两院御史見止三人而两人解免未入 歷代名臣奏議 4 損

舊制亦許用京朝官知縣以上立法稍寬易於應格近 自唐太宗以来無設監察裏行以待資浅之士而祖宗 政所可殊失祖宗博舉之意臣今欲乞並詔本臺及雨 於言事官重為艱阻實未允當臣項在內外制見每有 用之初無執政用人之法也然人才之難非獨今日故 用却於前任臺官中推擇任使雖云舊人不免出自執 日學法須得實歷通判一考人物衰少其甚於今而獨 下同列相視患無合格可舉之人所舉既上又多不

金贝口屋有書

卷一百六十一

使 遺 とこうえ 轍又上奏曰臣聞宰相之任所以鎮妥中外安靖朝廷 選任臺官舊法不至縣壞而綱紀之地易於得人亦免 從聖意選擇補足見關仍依舊置監察裏行所貴祖宗 制 伯為翰林學士承古除命一下而中書舎人不肯撰 **承平之福此真宰相職也臣竊見近者執政進擬鄧** 曠 百官皆得任職賞罰各當其實人主垂拱無為以享 依放舊制舉升朝官初任通判以上或第二任知縣 111 Ū **亚代名臣奏義** 罕 詞 温

舊 書中書舎人二人復相次封還陸佃之命臣竊惟此 執 又 給 謂 誠 政誠 論 事中封還詔書御史全臺兩省諫議皆力言其不 復進擬禮 就職而言者並獲美運質之公議皆不晓其故若 朝 非 沟沟經月不定而執政之意確然不回 延自知 是耶 耶 則 部 不 則 侍 其非但重於改作而已令者誇議未息 給舎臺諫並係所選豈其皆非若以 力口 郎 熟青並獲優龍進退無據是以公 陸 佃 兵部 侍 郎趙彦岩權本 温 伯 部 既 議 謂 尚 論 可 仍

金

方

四库全書

卷一百六十

次足四車公島 者諸曹侍郎闕人朝廷始擢用諸卿監為權侍郎盖以 侍從要司失其舊職綱紀廣壞至於賞罰顛倒頃 事本非朝廷急切之務勢須必行者也上既不出於 闡 不 則皇帝陛下太皇太后陛下厭於煩言焦勞彌月下則 權侍即則本曹公事闕官發遣如禮兵諸部事至簡 雖無尚書但責侍郎亦自可了況侍郎既具而復 臣不知為政如此得為鎮妥中外安靖朝廷者乎頃 下又不起於有司皆由執政出意用人致此紛争內 歷代名臣奏議 B+-1 所

思除象求殿中侍御史編見本臺而院官共六員分領 轍 意也臣待罪執法竊慮聖意未經究察但見執政歷武 煩瀆罪當萬死 有 久次當遂遷執政乎此則為人擇官而非為官擇人之 尚書此何說也若謂侍郎人次當遷尚書臣不知尚書 司而自伸其意使羣臣無由自明今後再有如此等 又奏曰臣等近准勒舉岑象求趙此充臺官已蒙聖 無敢守法為陛下明白是非者是以區區獻言不覺

金

ש

卷一百

ハナ

欠己日東江 於前而員關 無 六察所治事務不少若稍有她震則冤抑者必衆亦 聞 遇有關猶未當不補況於人主耳目 先帝設官之本意也伏乞特出聖古下本臺及两制 直言及有所壅蔽而聽其久闕實非治世之事也 今日監察御史併闕四員雖聖明開納之意無 二四方觀望皆知陛下勤於聽納爭效悃愠 不補中外疑感今六曹寺監雖復間地 歷代名臣奏議 所係至重自 149 非 分 諱 每 損 况 補 非

六察皆得言事元祐之初朝廷急於求治臺中員

뼤

前 金分四 王道 忠言與昔無異不勝幸甚 四 時皆所以成王事也治 狐以弘化公則變理陰陽派 書 代時若然後訓廸厥官而作周官立三公以 而親故司徒為地禮和 也道 員 郎李昭迅進策曰昔先王自動殿德夙夜不怠惟 盾 陛下 全書 則 擇 一事 取四人用之使天下晓然知朝廷抬 則異故! 卷一百 君親以 設六官各率其屬以象天地 則簡而嚴故家宰為天教 六十 則寅亮天地皆所以成 體仁也故宗伯為 論道 則 求 分

政 魚鳥獸草木之性莫不有官以治之有職以辨之增 凾 具 地 |故司冠為秋事主應變以藏知也故司空為冬上則 とこうらんけ 則 有餘虧一 ,壤之化繁至於宫室器械飲食衣服之節微至於蟲 陰陽日時之變中則君臣父子之常下則山林川 政無不大而阜成兆民者也自周之衰其制變於戰 而大壞於秦漢承秦之後獨用其故號其位無統其 正上下以合禮也故司馬為夏刑主制殺以象義也 則不足內外 歷代名臣奏議 相屬小大相聯故能國體完 配 澤 天

故 決者也其屬則六其聯則二十四其位則各以其序知 位有定員唐之治績號為甚盛者其致然也謂之省有 加之以封命此三者未始不先選天下之材而用之也 百官之功過然後與之以 事無聯至唐始為省寺臺監以分處百官使令宿業事 曰尚書有曰門下有曰中書尚書典領百官庭事所會 放課熟封之職則主之以吏部倉廪有所積然後為 無曠問其名則以職對下其令則以官議司有常守 卷一百六十一 敷級敷級未足以動賢也 又

金片四盾全書

之際外則謹於賓主內則嚴於鬼神為之牢醴膳羞之 民之職則主之以戸部先王之為禮未常不謹於實主 之此三者皆出於戶口田賦之所入也故錢穀土地 故武庫與輦方域之聯則主之以兵部謹門關出入之 數為之祠祭祀享之節三者皆禮之事也故賓客膳飲 ここう 知天下土地之籍鎮戎烽候之遠近者皆兵之事也 祭之職則主之以禮部戎器既有藏車馬既有備必 **衡度量之制既為權衡度量則量歲計所出而支** . 種弋名至奏美 24 調

作 'n 籍 掌出納帝命而相禮儀者也中書之治掌佐天子而執 史書其起居法度執大政則道揆者也然議表章草畫 **与會禁隸之聯則主之以** 上違令者則戮辱随之此三者皆刑之所治也故門 也故水利虞衡田作之聯則主之以工部門下之治 政者也侍從顧問規諭諷諫之左右分更馬故記 澤以時取屯營之事以時耕此三者皆工徒之所 以防姦督財物 期會之責以防偽以此防人猶有 刑部津梁溝洫以時脩苑 動 興 囿 闗 犯

釗

埞

四库全書

卷一万六十

司則又禮之别也宿衛工作僕御軍械則又兵之别也 禮樂飲膳宗室蕃夷之所掌圖籍天文學校服御之所 求賢才隱滯者其事大故屬之中書此三省之制也監 欠百百 二十 也圖籍皆有藏也議法制公章者其事小故屬之門下 既有掌矣大政既有議矣有守者付之監有法者付之 則監其所守寺則法度之所出其事則同其主則異若 治水則工之别也此監寺之制也庶事既有别矣帝命 歷代名臣奏議 里

制命之職在馬故記言史書其記語德音儒學皆有選

而 任官得其序而已國家設官分職一 所察也或不以一名其職唐之致其威幾與古比隆 必 上之人盜名而自安喜功勇利之臣 寺朝廷之治略已具矣然而百官之所領萬事之所總 金牙四周分書 官而無以數職名分不正而已名分既不正則無能 典必有所糾也故特置一官謂之御史則內外各有 有責也故特置一職謂之宰相百官之罪惡朝會之 非其官或有官而非其職或一 卷一百六十一 一職而 切 犯分而争進今先 治以數官或一 用唐制或有職 者 圈

侍 欠百五 小小 以法奏之釋之謝曰今盜髙廟器而族之有如萬分 天下之法者存乎平權之而後行議之而後用使不 罪之迹易知又何患官不得其人人不能行法者哉 假令愚民取長陵一杯土陛下且何以加其法乎文帝 玉環者奏當棄市文帝大怒曰吾屬廷尉者致之族而 其平者存乎其人當張釋之為廷尉人有盜髙廟坐前 正其名分而各以所能任職則賢不肖之實易察而功 御史王嚴叟上疏曰臣聞維天下之勢者存乎法持 歷代名臣奏議 四十

多为四届全書 大理長官及其僚屬皆擇天下君子長者通物情知義 當由是言之廷尉之選其當忽哉臣伏觀祖宗時審 遺風餘德猶釋之在漢也後專尚刑名法術之學而慘 能推明輕重之意以釋上心而使天下後世莫不稱其 法之微意而必與情稱故天下號無冤民以今望之其 理者以為之其用心平其持議不阿其知思足以講明 乃許廷尉臣以謂此不出於法之文而出於一時論議 刻之吏多在此選議事不原於法意論刑不本於人情 卷一百六十一 刑

偏 復 徒將自為陛下用稍復刑措之治天下幸甚 院 戾試以斷案巧則巧矣然不足以得正人而足以得狡 "輔之以經術申之以道德故愈務而愈遠愈嚴而愈 (委理卿獨舉專則專矣然不足以任至公而足以 文以致罪順肯以成獄不知先王明慎欽恤之心而 大理相持並行之初意今後罷試斷案人則釋之之 見臣愚伏乞檢會舊大理舉官法及講祖宗置審 两省正言官父闕嚴叟又上疏曰國朝做近古之制 歷七白至奏義 門二 得 刑

多進正人以壯本朝正人進則小人自消矣 諫議大夫王觀上奏曰臣聞 不為也況利少害多而可輕變成法哉臣竊見今年 虚其位邪二者皆非臣所望於今日也 未諭豈以為治道已清而無事於此邪人材難 不感之士而後知其不足為矣彼中才之憚煩者皆 非得已也使利害等均而徒有變更之勞則不待 利不百不變法允法之 願 越補其 稱 腁 嗣 明 不

諫臣纔至六員方之先王已為至少今復虚而不除

臣

卷一百六十一

**埞四庫全書** 

とこうしこう 是講求歷世之墜典造新一代之成憲正名百職建復 利之實也夫自李唐失政官制紊亂久矣聖朝祖宗 六縣上下相維各有分守此真得唐虞三代建官之美 所並專隸駕部臣竊謂此獨可以敗壞官制而未見為 更不經由駕部車管致遠務鞍轡庫駝坊皮剥所養象 元元故於脩完官制有所未暇也至神宗慨然憫之 月 初則有東征西討之憂既混一區宇之後方務休養 九日朝古節文內外馬事並隸太僕寺直達尚書 歷代名臣奏議 聖九 省

等務 部 意也後世所當謹守而勿失令朝廷以馬政外震而 無以牧馬一事而輕壞官制追還九月九日朝吉别 且場務惡屬寺監寺監惡屬省曹乃官吏不恤法度 行牧養之法固太僕駕部之職矣若使太僕仍悲隸 常情顧朝廷處之如何耳伏望聖慈宣論執 害未分而徒使本末失叙官制復隳臣不知其可 而 共俯職事於牧養之法未見其害也使車管致遠 不隸太僕而領於省曹於收養之法未見其利 卷一百六十 政大 省 也 臣 駕 椎

**垃圾库全書** 

处定四年全售 一 觀又上奏曰先朝造新官制於古義皆有按據若推 奪勘會處分但騰申主客取候古為今後髙麗夏國遇 驛所徑申所屬曹部施行更不經由鴻臚寺臣竊謂 依條格申所籍鴻臚寺其本寺不以事體大小皆不 入貢應干排備所須之事並令管勾同文館所都專西 '際見其未盡乃當脩完何可無故廣壞臣伏見今年 揮施行 月二十日動節文高麗貢奉事節皆係管勾所檢 歷代名臣奏議 鴻 與 勘

脏 爄 而 省曹一則奪寺事而專之一則雖其所屬之寺事不 下 吏 者今析 寺不與奪處分談為非是然若非省曹不稍 於省曹是省之辨事敏於寺也馬事措置合經由 乃非官制之過豈可因官吏之罪而廢省曹寺監 致 相 則 同 維之序哉夫番夷入貢合責辨鴻臚寺今奪而專 其不敢與奪即是鴻臚寺不任職 而緩急工拙之間 Ļ 而檀之於太僕是寺之辦事做於省曹也名 ħ 何其異也故論者以 ታ + 也 此皆罪在 謂 假 均 い人 省 官 權 上

並 慈 寺之事不得預馬果何義也若謂滅去經歷之處然 聖旨今来內外官並許帶職食錢并理 預 胡宗愈上疏曰臣檢會今年三月二十八日三省同 馬均是寺也一 依官制以前條貫又准五月三日 維持之序可存者少矣法度如此豈經遠之道惟 詳 可以速集而無害則非獨 酌 則併省曹之事而專之一則雖 鴻臚太僕而省曹寺監 聖古指揮勘會 任外其餘恩 其 本 鼔 奉 聖 上 後

次定四車全島

歷代名臣奏議

す 寒士 職 深 盖 文學之士以為校讐官給以見俸食於太官優其資秩 立 達此意始置崇文院建 名並不供職臣愚竊謂不知朝廷之治體則不足 省 朝 寒士有不 公卿之世 不 自有職事官其舊帶館職并今後除授校理以 不習國家之故事則不足以應務唐李德裕 如用公卿之世議者以為偏論臣乃謂之知 耳 知其始末者裕之言未為過論太宗皇帝 目習朝廷之治體練熟國家之故事 卷一百六十 祕閣集四庫書選天下名能 謂 言 用

クロ

誹 出 髙則為吏部南曹 卿 其始入而官位甲者未得主判且令在館供職改京 朝籍乃為秘閣集賢校理或優之則為直館直院直 自選人京官入者始除館閣校勘或崇文院校書及升 執 知藩鎮任轉運提刑又選其久任者或遷知諫院 朝籍方得主判登開鼓檢院同知禮 讀或為左右史遂典詞 政以齊台輔遠器大節方重深厚事業磊落載 郡 牧判官又島則為省府推判官或 **:** 語或待 制 内 院之類資任 閣 由 此 而 為 漸 官 閣 預 ム

钦定四東全等

歷代名臣奏議

五

史 門浮跳 為 養育之功也熈寧執政務欲速援親黨假此為進人之 清 選用或非其人左右史才問用俗吏以致朝廷厭薄 飌 之節靡有习遺既無素養之才悉是尚合之士臨 直 議故累朝得人方古為盛此實太宗皇帝憂深慮 冊者前後相望外至於守土奉使藹然皆 間 院而 有不才關革者叨 狂妄者争趨之故有朝除校理而 朝作輔 臣館閣 預 涵養之風遂至委地士人 於其間 則 指 目鄙笑不容 Þ 拜 有風績 詞 掖 馮 遠 於 Þ 可

クロ

Ľ

卷一百六

欠足可見心的 今供職不法太宗皇帝養才育士之深意而徒以虚 館 之 竊計議者必謂崇文院已改為秘書省已有官屬則带 為士大夫進取之階不惟義理未安無亦於事無補 閣集賢昭文館四庫之書猶存既選英才除職名而 職名者不可供職臣愚以 政 **遞行寢罷陛下即位以来招賢樂善追復太宗皇帝** 繼 知名試以充其選獨不許其供職臣愚莫知其意 承列聖之業便後三館職名又記執政大臣各 歷代名臣奏議 謂崇文院之名雖改而 至 名 臣 不 祕

思望 す 省 庶 食 由 四 洊 父四 并 議 授 恥清讓去而復還館 於太官磨以歲月使多士 此 正字校書以比 朝 漸進以歴 校 除 諭 鳰 漸 理巴升 校 廷稽考祖宗館 自 丰 理 知 指 朝 廷之治 省府與帶職之人並令入館供職 朝者得無寺監職 揮 昔日之校 外 有自京官除者 體犀居講習 閣素風墜而復振 間之制選人京官除者且授 一百六十 勘 知 選人已 陛 事 下 育才之意庶幾 亦 いく rl 議 自 有改官并 比 朝廷自 校書 昔日之主 國家之故 郎二 依 後 供 事 年 舊 職 用 優 判 祕

甚力 惓 官糾 人不乏實才將以成太平之業臣愚以為自此為始 當若否中書省取旨門下省封駁法行之初先帝特 之意惟陛下采擇 詔書云人各有分然後安官各有守然後治仍中 次升上奏曰臣伏覩官制格尚書省總判六曹事務 外違是今者執政官委御史臺彈奏尚書以下聽 聽政令三 劾以聞當是時人循分守無敢借紊元豐末以 省權同取古今陛下獨攬乾綱 随七名至吴美 躬臨庻 417 惓 垂 長 政 諭

雖 哉盖欲上下相維以 如官 本意也若謂門下中書省見今獨員難以專委即當選 未 其所當後也況先常以三省分釐底務其寓意宣徒然 中理中書省取首必有去取中書省取古或有未當 下省必須封駁今三省長官既同取百門下省屬官 封駁終難其議以此遂失上下相維之道非立法 制格夫本既 不正而齊其末是緩其所當先 防偏蔽故也 謂 如尚書省勘當或 急

定匹

庫全

孜究心以後先朝政事而三省者政事之本也尚未

卷一百六十

. . . 劉 屬日夜淬汰喜為健人朝 必 神 勸 治 任 相 為循吏方法新俗惡之 為低品則處材分憂可以無慎乎朝廷尚察嚴則 果庶使政事之本立而良法美意得以推行天下 先帝官制分釐之格詔書叮嚀之意斷自聖東行 人才以補員闕安可以 涇上奏曰臣聞外重之勢莫如監司盖其勢與朝 可立而待不勝幸甚 聖七二豆 えん 初 闕官而慶法哉伏願 廷尚寬闊則 朝廷所以遇此屬者往 此屬 因緣尚 Ŀ 陛 下 徃 偷 廷 之 留 北 之

為 常故盖未有如此日之優也方法新俗惡之初将 枥 既變則尤當謹守而挟持使無倦焉可也遂以健力 有 旦從常僚幕握權路不爱爵賞以與此屬開富貴之 下而首尾之則喜健力 惡孱弱以集成為急法既行 少哉法寝行矣俗寝變矣此屬亦遂廢以貌相誨無復 豺狼之人厭之以近厚相煦濡可乎曩惟朝廷有憾 躐等踰防之譏而朝 其間以法竟人情自責任者皆是也方斯時論者 廷籍此屬以枝梧四方者亦豈 闁 者 俗 夭 固

釤

定四庫

全書

卷一百六十一

觀今之法謂之已行則緝翩之人尚多今之俗 變 驗 事也而守令往往習為常程至有以前日手實中機 去冬造簿法行此朝寺既稔講之矣其升降虚實固 視塗炭力田已去不返之風波而作新馬自未久也而 於百年者正以此屬無守法任事之人而志察廪禄 《者茍 則頑梗之害尚在奈何使此屬無故而罪休也 軟能體是使在其歲月復如前日而又復更張之也 F 如此 則 臣深知此法未可以全成望 瑟代名至奏 義 那縣也 五十二 謂之 且、 大 為 ب -夕口

新由来监司 部 皆 俈 汎 いく 朝 者皆是也郡縣 乎 害齊民者已深矣此非 令文具然其縣大夫慵 由来監司以首簡敗之獨前日上下之勢如束徑 如臣憂無異也 廷法令十有九不如意況如今日已放繩墨之後乎 未再三則以勞苦為解在官未滿歲 非特此也其於法令之間 亦曰某監司接人無苛禮某監司 朝廷 亦豈惜片言之戒為監司之 懦 獨 臣憂臣所 不力 見如一 鄉 不見聞 書手之因仍 聞於老世務 則以久淹 -10 不 開 為 為 臨 事 輡力 者 石 歎 \$ 桉

書

卷户

こうこ FL 旮 有 何 近 行往往與世俗之疑合 造新法用新 大體皆姑息因循之實也然亦朝廷有以致之耳或 厚以致於的簡而無畏哉此最當今急務不可緩 日 願陛下東士氣 用使此屬擾擾哉此 用帶於輔島東孔宗 進如前所升板是也守新 竭 蹶之時為 歴代名臣奏議 非 翰林積趙約之類 則 臣 亦 腁 何恠乎监司之不動 敢 鼓馬如曰天下無事 尖口 也 法用舊人 是也朝 立さ 為 圖 廷 如

悉代名臣					動定四庫全書
奏議			·		
悉代名臣奏議卷一百六十一					卷一百六十二
					:
	and the second s		 Farmer 1		